

EJOU AR GAN

Kousk, Breiz-Izel !

An heol a zo kuzet, sethu achu an de,
Me glev ar c'hloc'h o tintal an Ave :

Kousk, kousk
Breiz-Izel, bro dispar,
Sethu an noz o tond var an douar,
Kousk,

Breiz-Izel, bro ken mad
Trouz ar mor don a zav d'az luskellat.

C'houez vad an ed en bleun hag al lann alaouret
Var ar meaziou gant ar gliz noz a red
Kousk, etc.

Ar Vesaerien a gan o testum o loned
Gwerziou Breiz-Izel ne n'int ket c'hoaz kollet
Kousk, etc.

En traoniennou didrouz me glev kan an eostik,
Telenner noz, sonit flour ha dousik.
Kousk, etc.

Uz da Vreiz o skedi an nenv steredennet
A lar zeuz eun Doue euz hor c'haret.
Kousk, etc.

An neb a c'houez bemdez a c'houne e repoz
D'an dud vad Doue en deuz great an noz.
Kousk, etc.

Arvor, o douar Sakr, a greiz kalon m'ho kar,
Bro all ken kaer n'euz ket var an douar !
Kousk, kousk, etc.

BLEI LANNVAU.

DEUT E-LEIZ !

VAR DON *An Dukez Anna.*

Ni zo deut da gana hirie
Vel en amzer goz,
Pa oa uz d'ar Vro dorn Doue
O rei e vennoz ;
D'an amzer ma oa Breiz-Izel
Eur vro gaer hag eur vro santel :
Deut e-leiz
Barz en Ti kanerien Breiz.

Ni hon beuz savet an Ti-man
E kreiz an dachen,
N'euz moger 'bed en dro d'ean
Hag evit toen
En deuz bolz sklerius an nenvou
Pe ar gvez pe ar gwabrennou :
Deut e-leiz
Barz en Ti kanerien Breiz.

Didosteit 'ta braz ha bihan
Nä ganomp ket evid arc'hant,
Kenneubeud 'vid aour ;
Ni a ro hor poan, hon amzer
Vit Breiz-Izel hag he brazder !
Deut e-leiz,
Barz en Ti kanerien Breiz.

En Ti-ma e kleofet meuli
Pez a dle sevel
An eneu mad en dudi
Vel war diou askel ;
Ar fallagriez diskullet

Eno na zao netra en erven
Med kanab, segal hag ed-du,
Eno na ve bleun med er spern-gwen,
El lann, er balan, er bruk ru,
Ma, n'euz forz, tud kaez, gant bleun ar mene,
Me vije seder, laouen evel-t-ê,
Sard ha iê korf hag ene
Gant bleun koant ar mene.

Eno, lec'h an holl drouz a glever
Eo kloc'h braz ar barroz en brall,
Garm ar c'horn-boud, mouez voan ar mesaer,
Ar biniou o son da zansal :
Ma, eno tud kaez, demeure eur sort son
Me chome da zilaou a greiz ma c'halon,
N'oa ket evidon er bed
Muzik muioc'h karet.

Eno e-kreiz ar goanv aliez
Me 'meuz bet poaniou diniver,
Nec'hamant, riou, naon, ha dienez,
Glac'har hag hirvoud leiz ma ler !
Ma, n'euz forz tud kaez, e kreiz ar goanv kri
Me zante ma c'halon meur wech o virvi
O virvi a garante
Despet d'am faourente !

Eno c'hoaz, en dro d'an tantajou
En nozvejou ar souben-laez,
Meuz bet kanet rimoustadennou
Laket c'hoarz ha gouel aliez !
Ha neblec'h, tud kaez, n'on bet 'n em dommet
Vel deuz al lannou lec'h on bet savet !
Eno, kreiz ma faourente,
Em bro ar garante !

Me c'houlen echui ma deiou
Pa na vin ken mad da netra
Eno, pell pell deuz trouz ar c'heriou
Ha brazoni ar bed paour-ma.
Eno c'hoaz tud kaez, lec'h ma ren bepred
Gant giziou hon zadou, an evurusted,
Ar peoc'h hag ar garante
Em bro ar baourente !

Brema, tud kaez, o pa vin galvet
Da vond lec'h eo eat hon zud koz,
Grit, 'nhan Doue, ma vin douaret
En bered vihan ar barroz !
Eno c'hoaz e lec'h drito ma c'halon
O klevet biniou ar mesaer o son,
Hag an holl moueziou karet
Deuz ma Bro binniget !

CHARLEZ ROLLAND.

Damb arnehe !

(Iez Gwened)

I
Chileuet tud iacuank, tud koh ha bugale ;
Peizanted, tuchentil, labourizion eue

II
Ha hui gleüou ur son a neüe so saüet,
Aveit dihuen hur Bro hag hun Iez beniget.

III
Arriü e en amzer aveit omb Bretoned
De seüel hun penneu hemb doujein den erbet.

IV
Pel erhoalh e omp bet goapeit ha disprizet :
Kommans e bramh ebuiain dra fech hent eolozet